

- Der ez auch wol volante
 und ze dem pesten wante.
 Do der abte der gute
 40 mit reinichleichem mute
 Innichleichen sein gepet
 mit den prudern getet,
 Und daz chunt in allen wart,
 daz ir wille beleib verspart,
 45 Der abte sich ez wol verstunt,
 als ie die saeligen tunt,
 Doz got der allerpeste
 ettewaz dran weste
 Seines lobes, durch daz er
 50 nicht erhorte die beger,
 Die nach der iunchfrawen
 Pafuncium mit troste er p.
 Daz er durch got wolde lan
 ein teil sein ungemach zerg(an.)
 55 „Sun“, sprach er, „durch got laz (ab),
 ob got seinen willen hab
 Mit dir auf der erden,
 daz sol dir nutze werden.
 Swen unser herre minnen wil,
 60 dem gibt er chestigunge vil.
 Wizze, daz dein tochter hat
 gehabt einen weisen rat.
 Si hat erchorn daz peste.
 dein herze daz sei veste.
 65 (c) . . . got ist mit ir.
 . . . des niht, gelaube mir,
 . . . so manich reiner man
 (sei)n gepet hat getan.
 * . . . us uber ein gewert.
 70 . . . ez in der rede wert.
 . . . dein herze merchen sol,
 . . . ist, da ist si wol,
 . . . si lebe mit reinicheit.
 (d)ie gotes milticheit